

ՕՏԱՐ ԵԿԵՂԵՑԻՆԵՐ

ՊՐԱՒՈՍԼԱԻ ԵԿԵՂԵՑԻ

ԿԱՅՍԵՐԱԿԱՆ ՊՐԱՒՈՍԼԱԻ ՊԱՂԵՍՏԻՆԻ ԸՆԿԵՐՈՒԹԻՒՆԸ.

Մայիսի 21-ին լրացաւ Կ. պ. Պ. ընկերութեան 25 ամեակը: Սորա հիմնադիրն էր Մեծ Իշխան Սերկէյ Ալեքսանդրովիչը: Այս ընկերութեան նպատակը զուտ բարոյական-կրօնական է. 1) Պրաւոսլաւութիւնը պահպանել Ս. երկրում. 2) Ռուս ուխտաւորներին աջակցութիւն ցոյց տալ. 3) Ս. երկրի անցեալն ու ներկան ուսումնասիրել. 4) Ս. երկրի մասին թէ գիտնական և թէ ժողովրդական գրեւորքներ տպագրել: Ընկերութեան գործունէութեան արդիւնքն է եղել.

1) Պաղեստինում և Ասորիքում շինել կամ նորոգել է շատ եկեղեցիներ:

2) Դրամական օգնութիւն տուել խեղճ ժողովրդին (պրաւոսլաւ) իրենց տաճարները պահպանելու կամ նորոգելու համար, նոյնպէս՝ եկեղեցական կահ-կարասիք և հանդերձանք:

3) Դրամական օգնութիւն՝ Երուսաղիմի և Անտեռքի պատաթոռներին. նոյնը և Պաղեստինի հոգևորականներին:

4) Հիմնել են 101 ուսմի. հաստատութիւններ, ուր սովորում են 10,000 մանուկներ: Յիշեալ ուսումնարաններից 48 միջոցեան դպրոցներ են և 2 ուսուցչական դպրանոցներ:

5) Ռուսաստանում՝ Կիևում՝ հոգևոր սեմինարիայում և և ճեմարանում պահում է որդեգիրներ. նոյնպէս դրամական օգնութիւն հասցնում Ասորիքի այն աեղացիներին, որոնք գալիս են Ռուսաստան՝ ուսման:

6) Ասորիքում և Պաղեստինում բաց է արել դեղատներ և հիւանդանոցներ:

7. Յատուկ հոգատարութիւն և ամէն տեսակ օգնութիւն ընձեռել է Ս. երկիրը ուխտ գնացողներին:

8) Կատարել է պեղումներ և գիտնական ճանապարհորդութիւններ և նոցա արդիւնքը հրատարակել՝ թէ գրքեր և թէ կարտեզներ և մի յատուկ ամսաթերթ է պահում ամբողջովին նուիրուած Պաղեստինին և այնտեղի սրբավայրերին:

Այս բոլոր ծախքերը յօժարակամ նուիրաբերութեամբ են ծածկուում:

ԵԿԵՂԵՅԱԿԱՆ ՀԱՐՑԸ ԿԻՊՐՈՍՈՒՄ

Կիպրոսը Անգղիական կառավարութեան ձեռքը անցնելով՝ Կիպրոսի խորհրդի ձեռն է անցել և եկեղեցու արքեպիսկոպոսի ընտրութեան իրաւունքը: Խորհրդի անգամներ են տեղական յոյն, թիւրք և անգղիացի ներկայացուցիչները: Իսկ Սինոդը և հոգևորականութիւնը բոլորովին զուրկ է այս հարցում ձայնի իրաւունքից: Այս անկանոն ձեռն պահուել էր մինչև վերջին ժամանակներս, միայն անցեալներս հնարաւոր եղաւ վերացնել, այս հակաեկեղեցական ընտրութիւնը, ուր մահմետական թիւրքը իրաւունք և ձայն ունէր, իսկ Սինոդը՝ ոչ, շնորհիւ Յունաց Կ. Պոլսոյ պատրիարք Յովակիմի եռանդուն միջամտութեան: Սա հրաւէր կարդաց Աղեքսանդրիայի, Անտիոքի և Երուսաղեմի Օրդոքոս պատրիարքներին, ուղարկել իրենց էկզարխները Կիպրոս, նոր պատրիարքի ընտրութեան գործը կարգաւորելու ու Սինոդի և Ժողովրդի հետ նոր պատրիարք ընտրելու: Ս. Պ. Յովակիմը նախապէս դրել և Կղզու Նահանգապետի թոյլտուութիւնը ստացել էր: Այսպիսով երկարատե անկանոնութիւնից յետոյ Կիպրոսը կրկին կատանայ իւր եկեղեցու կանոնական իրաւունքները: Այս յոյսը աւելի արդարանում է այն միաշունչ գործակցութեամբ, որովհետև Աղեքսանդրիայի, Անտիոքի և Երուսաղեմի պատրիարքները պատրաստակամութիւն են յայտնել Յովակիմ պատրիարքին հեռագրով:

Կ. Պոլսի պատր. կողմից պատգամաւոր է ընտրուել Անգլիայի մետրոպոլիտ Բարսեղը:

ԲԱՐՈՅԱԿՐՕՆԱԿԱՆ ԴԱՍՏԻԱՐԱԿՈՒԹԵԱՆ ՆՈՐ ԽՆԴԻՐ

Շուտով կրթութեան գործը հիմնովին փոփոխութեան կենթարկուի. իսկ դպրոցական խնդիրների մէջ բարոյակրթական գործը առաջին տեղը պիտի ընէ: Ահա մօտիկ ապագայում այս լինելիք փոփոխութիւնները աչքի առաջ ունենալով՝ Ս. Պետրբուրգի «Ծնողաց ժողովը» այս դպրոցական տարուայ վերջին մի շարք նոտեր նուիրելով՝ մշակել է կրօնական բարոյական դաստիարակութեան վերաբերեալ մի կարգ հարցեր և